

CYNGOR CYMUNED LLANLLYFNI

RHEOLAU MYNVENTYDD

A. Beddrodau

1. **Ni chaniateir i neb gau allan bedd mewn unrhyw ffordd.**
2. Caniateir prynu hawl claddu, na fydd angen ei ddefnyddio ar y pryd yn nhrefn y beddrodau ac mae'n ofynnol i'r gwaith bricio gael ei drefnu o fewn tri diwrnod o'i brynu. Ni fydd hawl gan unrhyw un i brynu mwy nag un lle claddu. Ni cheir hawl i werthu hawl claddu ymlaen, oni bai am ei werthu yn ol i'r Cyngor Cymuned am yr un pris a dalwyd amdano.
3. Lle beddrod i fod wyth troedfedd o hyd, a pedair o led, ac wyth troedfedd o ddyfnder.
4. **Mae y cyfrifoldeb am feddrod ar y sawl sydd a'r hawl i gladdu yno neu ei gynrychiolwyr.**
5. Bydd unrhyw un sy'n agor neu gau bedd yn gyfrifol am unrhyw niwed a achosir wrth wneud y gwaith.
6. Ni ellir dal y Cyngor yn gyfrifol am unrhyw niwed a achosir gan drydydd parti.
7. **Ni chaniateir palu'r tir na phlannu unrhyw blanhigyn ar feddrod. Ni chaniateir gosod cerrig man na chreu gerddi bach ar unrhyw feddrod mewn mynwent lawnt. Ni chaniateir gosod plac yn ychwanegol i'r garreg fedd, dim ond ar y garreg sylfaen wreiddiol yn bloc F, G a H.**
8. Mae beddrod newydd claddu llwch i ddilyn yn nhrefn y beddrodau ac i fod yn llathen sgwar, dwy droedfedd o ddyfnder, gyda lle i uchafrif o bedair cist. Codir y taliadau arferol am brynu a chladdu.
9. Ni chaniateir agor bedd oni bai fod ei angen o fewn tri diwrnod.(ar gyfer claddedigaeth).
10. Mewn mynwent lawnt, y Cyngor Cymuned sydd yn torri'r glaswellt.

B. Claddu

1. Bydd yn angenrheidiol rhoddi Rhybudd o Gladdedigaeth i CLERC CYNGOR CYMUNED LLANLLYFNI yn ei chartref **dri diwrnod** o leiaf cyn y Gladdedigaeth, oddieithr mewn achosion o frys dan Dystysgrif Meddyg, ac mewn achosion felly yn unig y gellir derbyn Rhybudd ar y Sul. Dylid cyflwyno'r rhybudd drwy ddefnyddio'r ffurflen a gymeradwywyd gan y Cyngor Cymuned.
2. Ni chaniateir claddu cyn 10 o'r gloch yn y bore, nac ar ol 5 o'r gloch yn y prynhawn, oddigerth pan fo amgylchiadau yn galw am hynny. Ni ellir claddu ar y Sul hab ganiatad ysgrifenedig y Cadeirydd a'r Clerc, a bydd yn rhaid wrth dystysgrif meddyg i gymeradwyo hyn.
3. Bydd yn ofynol cyflwyno gyda'r Rhybudd i'r Clerc, ganiatad ysgrifenedig prynwr unrhyw feddrod (neu gynrychiolydd awdurdodedig) cyn y gellir claddu mewn lle a brynwyd eisioes.
4. Bydd yn ofynol talu pob costau i'r Clerc wrth roi Rhybudd am y Gladdedigaeth.
5. Bydd unrhyw un sy'n agor neu gau bedd yn gyfrifol am unrhyw niwed a achosir wrth wneud y gwaith ac mae'n orfodol iddynt feddu ar dystysgrif yswiriant ddilys a digonol.
6. Mae cyfrifoldeb ar unrhyw un sydd yn claddu i drefnu cael ei offer ei hun.
7. Ni chaniateir gweithio (gan gynnwys agor a chau bedd) tra bod angladd yn cymryd lle yn y fynwent.
8. Gwaherddir ymgymerydd rhag defnyddio J C B o fewn y mynwentydd. Ceir hawl i agor ac ail-agor gyda chloddwr bach (o dan 1 ½ tunnell) gan ddefnyddio synnwyr cyffredin. Os daw cwynion i law bydd yr hawl yn cael ei dynnu'n ol yn syth.

9. Mae pob ymgymerwr, neu ei asiant, sydd yn agor unrhyw fedd yn gyfrifol am dacluso ar ei ol a chludo unrhyw bridd a cherrig na ddefnyddir i gau y bedd o'r fynwent o fewn wythnos i'r angladd. Os na wneir hyn, gall y Cyngor wneud y gwaith ac adennill y costau oddiwrth yr ymgymerwr.
10. 10 Tra bydd bedd yn agored mae'n angenrheidiol ei orchuddio'n ddigonol.
11. 11 Ni ellir dal y Cyngor yn gyfrifol am unrhyw niwed a achosir gan drydydd parti.
12. Rhaid caniatáu o leiaf 2 awr rhwng pob angladd mewn mynwent.
13. Ni chaniateir agor bedd ar y Sul.
14. Bydd rhaid gosod gorchudd concrid ar yr arch ar ol claddu cyn mewnlenni'r beddrod a phridd.
15. 15. Wrth agor bedd, dylid cadw'r pridd da (topsoil) a **thywyrch glaswellt** i un ochor, a dylid rhoi y pridd da yn ol ar wyneb y bedd wrth ei gau.
16. Ni chaniateir twmpath pridd o fwy na 5 modfedd o uchdwr ar ben fedd.
17. Pan yn cau bedd, rhaid i'r torrwr beddau glirio'r rwbel sydd yn weddill allan o'r fynwent.

C. Gosod Cerrig Beddi

1. Mae'n ofynnol i bôb person sydd yn gweithio ar gofeb, boed yn drwsio neu osod, fod yn brofiadol a chael tystysgrif yswiriant ar gyfer y gwaith. Bydd angen caniatad y Cyngor cyn symud neu osod carreg, drwy gysylltu gyda'r Clerc.
2. Ni chaniateir naddu na thrwsio cerrig y tu fewn i'r fynwent, a bydd rhaid cludo pob defnyddiau at feddau a chofadeilion i'r fynwent, a sicrhau'r beddau rhag niwed.
3. Bydd yn rhaid anfon cynllun a disgrifiad o bob cofadail at y Clerc i'w hystyried gan y Cyngor.
4. Ni chaniateir gosod unrhyw gofadail heb yn gyntaf ei dderbyn gan y Cyngor, a **bydd angen 1 diwrnod o rybudd er mwyn trefnu agor giatiau'r Mynwentydd** drwy gysylltu a CLERC CYNGOR CYMUNED LLANLLYFNI.
Mesuriadau pob cofadail i fod dim mwy na 2'6'' o uchder a 2'3'' ar ei draws.
5. Mae'n ofynnol i rif y beddrod gael ei osod ar gefn y gofeb.
6. Ni chaniateir gosod cofeb ar ddydd Sadwrn nag ar ol 4:00 o'r gloch yn y prynhawn.
7. Ni chaniateir gweithio ar gofeb tra bod angladd yn cymeryd lle yn y fynwent.
8. Pan yn ail-agor, bydd yn ofynol i'r ymgymerwr drefnu symud carreg neu gofeb unai allan o'r fynwent neu ei gosod yn ddiogel mewn man sydd wedi ei neilltuo i hyn.
9. **Dylai perchnogion y cofebion eu cynnal a'u cadw mewn cyflwr da. Hysbysir y perchnogion (os ydynt yn wybyddus) pan fo angen atgyweirio cofeb, ac oni atgywierir hwy o fewn amser penodedig, gall y Cyngor weithredu i wneud y cofebion yn ddiogel.**
10. **Ni fydd y Cyngor yn gyfrifol am ddifrod i unrhyw gofeb neu garreg fedd am unrhyw reswm.**
11. Bydd yn rhaid defnyddio 'spike' neu roden bwrpasol i angori carreg fedd, a rhaid anfon y manylion i'r Clerc. (rhif cofrestru)
12. Pan yn gosod carreg, rhaid i'r gosodwr glirio'r rwbel sydd yn weddill allan o'r fynwent. Rhaid gosod tywyrch glaswellt yn daclus ar y bedd ar ol gosod carreg.

CH. Cyffredinol

1. Ni chaniateir defnyddio chwynladdwr ond ar lwybrau'r fynwent yn unig, a'r Cyngor yn unig sydd a'r hawl i ddefnyddio chwynladdwr.
2. Cedwir Cofrestrau'r Fynwent gan y Clerc, a gellir eu gweld a chael copi ohonynt ar daliad o £15.00.
3. Fe gedwir hawl gan y Cyngor i adolygu y Rheolau a'r Taliadau fel bo'r angen. Gweithredir y Mynwentydd yn unol a Deddf Llywodraeth Leol 1972 yn ogystal ag unrhyw Orchymyn a ddarperir gan yr Ysgrifennydd Gwladol.
4. Ni ellir dal y Cyngor yn gyfrifol am unrhyw niwed a achosir gan drydydd parti.
5. Y mae'n rhaid i blant dan 12 mlwydd oed fod yng nghwmni oedolyn; a ni chaniateir cwn yn y fynwent ond cwn tywys.
6. Ni chaniateir gwneud gwaith o fath yn y byd yn y fynwent heb ganiatad y Cyngor a hysbysu'r Clerc.
7. Diffinir '**lleol**' fel unigolyn sydd wedi byw o fewn y dyffryn am gyfnod o 5 mlynedd neu fwy. Codir ffi claddu ar raddfa 'lleol' i rai sydd yn byw oddi fewn y gymuned yn bresennol, a'r rhai sydd WEDI byw yn y gymuned am o leiaf 5 mlynedd (gyda phrawf pendant). Mae'n hanfodol i deulu brofi cysylltiad lleol os nad yw'r cysylltiad hwnnw'n wybyddus i'r Cyngor a'r Cynghorwyr.
8. Dylai'r Clerc gysylltu a Chynghorydd o'r ward berthnasol, i gael hawl i fwrw ymlaen a unrhyw gladdedigaeth i unigolyn o'r tu allan i'r gymuned sydd a chysylltiad lleol, er mwyn derbyn cadarnhad o'r cysylltiad lleol.

(adolygwyd 01.02.13)